

تفسير الجزء الثاني | اللقاء (20) | #الطريق_إلى_القرآن | د .

حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. ثم اما بعد يعني حد يقرأ الجزء الثاني يا جماعة قبل ما يبجي؟ كلكم قرئتموا الجزء الثاني قبل ما تيجوا؟ خدوا بالكم الجزء بتاع النهاردة يعني ايه دسم شوية. مليون حاجات - [00:00:00](#)

فكرية وفي حاجات ما نقدرش ان احنا نعيدها حتى لو صعبة. لان مهم جدا ان احنا نسمعها وان احنا نفهمها الليلة يا جماعة. او النهاردة الليلة ولا اليوم؟ ما اتفقناش لسه بعد العصر - [00:00:20](#)

انتم طبعاً ليلة ولا تبع اليوم؟ الله المستعان. طب عملتوا ايه في الجزء بتاع امبارح؟ يعني فرقت شوية واحنا بنصلي التراويح به؟ فرقت الحمد لله والشكر لله يعني قال تعالى اعوذ بالله من الشيطان الرجيم. كلا بل ران على قلوبهم ما كانوا يكسبون - [00:00:30](#) الشهوات والمعاصي والغفلة وحب الدنيا عملت طبقة حوالين القلب اللي هي طبقة الران. الاية اللي بعدها كلا انهم عن ربهم يومئذ لمحجوبون. لما الران او المعاصي او الشهوات عملت حجاب حوالين القلب. منعوا عن - [00:00:50](#) اتصال بالله في الدنيا يوم القيامة عوقبوا ان لا ينزروا الى الله يعني في حجاب بينهم وبين الله في الآخرة. واخدين بالكم يا جماعة يعني الشهوات اللي حوالين قلوبنا دي ممكن تؤدي ان احنا نحرم من النظر الى وجه الله في الآخرة. وهو ده اعظم حلم لنا في حياتنا. يبقى هدف - [00:01:10](#)

بتاعة التفسير ان حجاب الشهوات اللي منع اتصال الابناء بالله نبدأ نزيله من خلال كلام الله سبحانه وتعالى عشان قلوبنا اتصل بالله سبحانه وتعالى. عايزين الكلمة اللي ربنا سبحانه وتعالى اوحى بها الى رسول الله في القرآن لا تحرك به لسانك لتعجل به - [00:01:30](#) تبقى هي الشعار بتاعنا في رمضان يا جماعة. لا تحركوا به السنتكم لتعجلوا به. يا جماعة احنا عايزين نفهم القرآن. مش المقصد ان انا اقرأ خمس تجزاء والله لا المقصد ان انا اعيش عشان كده قلنا كل يوم لجزء. نعيش مع الجزء ده عشان بازن الله معانيه تدخل في قلوبنا. يعني بيقول لك ان - [00:01:50](#)

ان الاحجار الكريمة اللي زي الزمرد وزي الماس. لا تصنع ما حدش يقدر يرفعها. ولكنها يبيحث عنها حتى نجدها فنحافظ عليها. هو احنا دلوقتي بتدور على احجار الكريمة بقى اللي ربنا نزلها لنا من فوق سبع سماوات بتدور على معاني كتاب الله سبحانه وتعالى - [00:02:10](#)

هنتكلم بازن الله سبحانه وتعالى في هذا الدرس عن الجزء الثاني من سورة البقرة. الجزء الثاني من سورة البقرة من اول سيقول السفهاء من الناس ما لهم عن قبلتهم التي كانوا عليها. الجزء الثاني قلنا ان هو بيتكلم عن الاحكام اللي ربنا ابتنى بها اللي احنا مطالبين ان احنا نسمع ونطيع فيه - [00:02:30](#)

الجزء الاولاني كان فيه سيدنا ادم عصى ادم ربه فغوى ثم اجتباه ربه فتاب عليه وهدى. وكان في قصة بني اسرائيل اللي عصوا تمام بمعصية وكان في قصة ابراهيم اللي اطاع تمام الطاعة فأتمهن وربنا ادانا التكليف دي وقال لنا هتبقوا تبع انه يموذج من النماذج الثلاثة - [00:02:50](#)

لو اتبعنا نموذج ابراهيم عليه الصلاة والسلام لنا ثلاث حاجات من عند الله لهذه الامة. الحاجة الاولانية ايه؟ الا اخذنا الله ان نسينا او

أخطأنا. الحاجة الثانية الا يحمل علينا الله اصرا كما حمله على الذين من قبلنا. ما فيش عقوبات تنزل علينا - [00:03:10](#)

الحاجة الثالثة الا يحملنا الله ما لا طاقة لنا به. الثلاثة دول لنا لك فرديا وللمجتمع لو احنا سمعنا الجزء الثاني بيتكلم عن الاحكام يا

جماعة. جزء الاحكام ده عامل مشاكل كتير جدا عند المستشرقين طبعاً. مش عند اهل اليقين. عشان كده - [00:03:30](#)

الدرس بتاعك المرة دي درس فهمي. عايزين نفهم عزمة تشريع الاسلام. الجزء ده خمس اشواط. اللي احنا هنتكلم عليه الشوط الاول

اللي بيتكلم عن تحويل القبلة من بيت المقدس الى الكعبة بيبدأ من اول قول الله سيقول السفهاء من الناس - [00:03:50](#)

ما ولاهم عن قبلتهم التي كانوا عليها. وبينتهي في قول الله سبحانه وتعالى ليس البر ان تولوا وجوهكم قبل المشرق والمغرب ولكن

البر من؟ ولكن البر من ايه؟ من امن ولكن البر من امن. طب ليه اول تكليف نزل تحويل القبلة عشان التميز - [00:04:10](#)

عشان نبقي امة مميزة. لازم نبقي مميزين. لازم احنا كملتزمين الوقتي نبقي مميزين يا جماعة. لازم نتميز عن كل الناس اللي حتى في

المجتمع الاسلامي ولكن غير ملتزمين. ليه؟ عشان صورة الدين تظهر. احنا اللي هننزر صورة الدين. لو عظمة الدين ما ظهرتش في

سلوكياتنا واخلاقنا ونور الايمان اللي على - [00:04:30](#)

وكفت الدعوة والتضحية اللي احنا بنزله لو عظمة الدين ما ظهرتش فينا مش هتظهر. يبقى اذا لازم نتميز في اول حكم كان حكم

التميز لنا قبلتنا المميزة عن باقي الاديان. واصبحنا في من اول هذا الوقت بقينا امة مميزة عن باقي الامم. طب يا رب احنا قعدنا قبل

كده سبع - [00:04:50](#)

نصلي بيت المقدس ليه؟ طب ما كان من اولها نصلي كعبة وخلص. وما جعلنا القبلة التي كنت عليها الا لنعلم من اسمع الكلمة دي كلمة

نعلقها كده قدامنا نعلقها في قلوبنا. الا لنعلم من يتبع. ربنا يريد انه يعلم مين اللي هيتبع؟ ومين اللي لما التكليف هيجي - [00:05:10](#)

صعب عليه هيقع وهيسيب التكاليف الدينية. يا جماعة وان كانت لكبيرة الا على الذين هدى الله. الله! يعني دلوقتي في تكاليف كتير

جدا تلاقي الشاب يقول انا مش قادر اطبقها او الاخت تقول لك انا مش قادر اطبقها. اوعى تقول قدام اي تكليف ربنا امرك به مش

قادر. ولكن تقول سمعنا واطعنا - [00:05:30](#)

حاول انك تنفذ منه ما استطعت. يبقى كانت دي امتحان لمدي ثبات. المسلم على تكاليف ربنا حتى لو صعبة عليه اي حكم من احكام

الدين حتى لو سنة سمعتوا مهما كان صعب عليك جاهد عشان تنفذه. اوعى تقول فيه تكليف من تكاليف ربنا صعبة ابدًا. طيب -

[00:05:50](#)

اللي ربنا ختم بها شوط تحويل القبلة ليست جرى ان تولوا وجوهكم قبل المشرق والمغرب. الاية دي مهمة جدا يا جماعة. ثلاث اربع

صفحات ربنا سبحانه تعالى يبجدل اي معارض في مسألة تحويل القبلة وبعد كده في الاخر يقول البر مش انك انت تبص ناحية

اليمين ولا تتوجه ناحية الشمال ولا انك - [00:06:10](#)

الكعبة ولا ناحية بيت المقدس؟ امال ايه يا رب؟ خدوا بالك يا جماعة. ده عشان ربنا يعرفنا ان الدين مش شكلية. ايوا التوجه ناحية

الكعبة هو الحق وايوة هنكافح من اجله. وايوة هنجادل من اجله. وايوة هندعو اليه وهنفزه ولكن اوعى تفتكر ان دين شكلية. الدين

هو المعاني - [00:06:30](#)

ايمانية اللي وراء هذه السلوكيات. يعني بعض الناس مثلاً من ضمن سلوكياتها انه اول ما يشوف الشاب الجديد لازم تربى دقنك. اه

لازم اديني واول ما الشاف يربي دقته ما عدش يكلمه خلاص. ليه؟ انت بقيت ملتزم وبقيت شيخ يا ابني. يا جماعة الدين للحية من

الدين. والحية من اهم امور - [00:06:50](#)

نور الدين وھنتكلم عن اللحية حتى لو في الزلافة هنتكلم عن اللحية. ولكن الدين مش لحية ولكن الدين مش الجلابية القصيرة. الدين

مشاعر في القلب مشاعر معرفة الله ومشاعر هم الآخرة ومفاهيم في الفكر. مفاهيم الدين الواسعة في القرآن والسنة. وسلوكيات في

الجوارح - [00:07:10](#)

سلوكيات العبادة وسلوكيات الجهاد وسلوكيات الدعوة. ومن ضمن السلوكيات الهدي الظاهر اللي من ضمنه اللحية والجلابية القصيرة.

يعني انا عايز ايه؟ عايز اقول المحنة عايزين نبقي في الدين بنص للجوهر زي ما بنص للمزهر. عايزين نبقي ناس عميقين في تناول

الاسلام. الاسلام اعظم دين في الوجود كله. ما فيش حكم - 00:07:30

من احكام الاسلام لو اي مفكر غربي سمع الحكمة اللي وراء هذا الحكم هينبهر ويدخل في هذا الدين. ولكن احنا بنقعد نتشاكل مع الناس عشان الاحكام تظهر الاحكام وننسى جوهر الاحكام. وحكمة الاحكام وعلة الاحكام يبقى لازم الاتنين. لا دي الواحدة ولا دي لوحدها. لازم - 00:07:50

تم بالظاهر ونهتتم بالايه؟ ونهتتم بالباطل. الشوط الاولاني شوط تحويل القبلة. الشوط الثاني بيبدأ بعد شوط تحويل القبلة. تحويل القبلة خدت ربعين بالزبط الشوط الثاني يا جماعة والثالث والرابع الترتيب بتاعهم ايه؟ كل صوت منهم عبارة عن عبادة من العبادات معها احكام من احكام الشريعة - 00:08:10

الشوط الثاني بيبدأ من قول الله يا ايها الذين امنوا كتب عليكم القصاص في القتلى. احكام الدم. وبعد كده كتب عليه بكم اذا حضر احدكم الموت ان ترك خيرا الوصية للوالدين والاقرابين احكام الوصية والميراث اللي هي احكام المال يبقى احكام الدم والمال - 00:08:30

اللي هم اكثر حاجات الناس هتظلم بعضها بتاع بعض عشانها. وبعد كده العبادة اللي جت لي بعدهم. الصيام كتب عليه يا ايها الذين امنوا كتب عليكم الصيام مديكي ايات الصيام وقبل ما ينتهي الشوط بعد ما بتخلص ايات الصيام بنلاقي حكم الرشوة الرشوة اللي ربنا بيقول فيها ايه - 00:08:50

ولا تأكلوا اموالكم بينكم بالباطل وتدلوا بها الى الحكام لتأكلوا فريقا من اموال الناس بالايه؟ بالاثم وانتم تعلمون. يعني ولا تأكلوا اموالكم بينكم بالباطل. العلماء قالوا دي الرشوة. تحريم الرشوة. يبقى صوت الصيام اللي هو الشوط الثاني في عبادة الصيام وفي - 00:09:10

الدم والمال والرشوة. الشوط الثالث بقى برضو عبادة واحكام. ايه العبادة اللي فيه؟ يسألونك عن الاهلة. قل مواقيت للناس والحج. يبقى عبادة الحج. عبادة الحج. ومع عبادة الحج احكام الايه؟ احكام القتال - 00:09:30

قاتلوا الذين يقاتلونكم وقاتلوا في سبيل الله الذين يقاتلونكم ولا تعتدوا. ان الله لا يحب المعتدين. ام حسبتم ان تدخلوا الجنة ولما لا يعلم الله الذين شاهدوا منكم ام حسبتم ان تدخلوا الجنة وما يعلم الله الذين ولما يأتكم مثل الذين خلوا من قبلكم - 00:09:50

مستهم البأساء والضراء وسلسلوا حتى يقول الرسول والذين امنوا معه متى نصر الله؟ آآ كتب عليكم القتال وهو كره لكم وعسى ان تكرهوا شيئا وهو خير لكم. وعسى ان تحبوا شيئا وهو شر لكم. يبقى الشوط الثالث بيتكلم عن عبادة الحج واحكام - 00:10:10

في القتال والجهاد وبينتهي بقول الله ان الذين امنوا والذين هاجروا في سبيل الله اولئك يرجون رحمة الله الرابع بيبدأ بعدها فورا العبادة اللي فيه عبادة ايه؟ الصلاة. حافظوا على الصلوات والصلاة الوسطى. وقوموا لله قانتين. الكلام - 00:10:30

اللي احنا بنقوله ده يا جماعة يعني كثير من الناس تحير فيه حيلة شديدة جدا. احنا بعد ما هقول الخمس اشواط هقول لكم الشبهات اللي اتقالت في الكلام ده عشان نعرف قد ايه - 00:10:50

ان كل شبهة اتقالت ضد ديننا ما هي الا معجزة من معجزات الاسلام. ومعجزة من معجزات القرآن بس نفسها. احنا مشكلتنا الاساسية الفهم الخلل الاساسي اللي بيعاني منه المسلمين الان ليس خلل للايمان فقط. ولكن خلل الفهم. خلل عقليا. احنا على ان علاقتنا - 00:11:00

اتقطعت فالقرآن هو مصدر الفهم فالفهم بتاعنا ضعف الشوط الرابع وهو الشوط اللي احنا قولنا فيه عبادة الصلاة حافظوا على الصلوات والصلاة الوسطى وقوموا ولله قانتين الاحكام بتاعته من اول قول الله يسألونك عن الخمر والميسر. قل فيهما اسم كبير. احكام الخمر والميسر. وبعد كده - 00:11:20

سيسألونك عن اليتامى احكام اليتامى. وبعد كده احكام ان شاب مسلم عايز يتجوز من واحدة مشركة او بنت مسلمة متقدم لها واحد مشرك. وبعد كده الجماع وبعد كده احكام الطلاق. والطلاق هياخد منا ربعين كاملين. وفي وسطهم آية الصلاة - 00:11:40

ينتهي هذا الشوط الرابع على هذا الامر. الشوط الخامس بقى بيبدأ بقصة داوود وطالوت وجالوت. فاكرين لما شرحناها؟ في شريط

الاسلام شرحنا هذه القصة من اول قول الله سبحانه وتعالى اه الم تر الى الملائكة من بني اسرائيل من بعد موسى اذ قالوا لنبي لهم ابعث -

[00:12:00](#)

لنا ملكا نقاتل في سبيل الله صفحتين كاملين قصة الجهاد بقى قالوا عايزين نجاهد ولما فرض عليهم الجهاد ازاى معظمهم وقع ولما قابلتهم الدنيا وهم رايعين يجاهدوا في سبيل الله. ازاى معظم الباقيين كمان وقعوا؟ وازاى ان الجيش الثاني كان جيش عظيم وهم عدد قليل؟ ولكن الله - [00:12:20](#)

بقدرته نصرهم على يد سيدنا داود ثم اصطفى داود بعد هذا. قصة الجهاد بعد قصة الجهاد بتبدأ آيات الانفاق من اول قول يا ايها الذين امنوا امنوا انفقوا مما رزقناكم من قبل ان ياتي يوم لا بيع فيه ولا خلة ولا شفاعة والكافرون هم الظالمون - [00:12:40](#)

آيات الانفاق بتاخذ ربعين كاملين. ربنا بيدعونا فيها للانفاق. وختامها الذين ينفقون اموالهم بالليل والنهار. سرا صلوة علانية فلهم اجرهم عند ربهم ولا خوف عليهم ولا هم يحزنون. اول ما بتخلص حياة الانفاق بتبدأ آيات الربا الذين - [00:13:00](#)

ياأكلون الربا لا يقومون الا كما يقوم الذي يتخبطه الشيطان من المجذوم. اول ما بتخلص آيات الربا بتبدأ آيات احكام الدين. احكام المدينة اذا تداينت بدين الى اجل مسمى فاكتبوه. وبتخلص الصوت بتاع الاحكام عشان تيجي الخاتمة بتاعة السورة. طب يا رب ليه؟ اخر السورة - [00:13:20](#)

آخر احكام جبتها هي احكام الدين واحكام الربا احكام العملات المادية. ليه يا رب هي آخر احكام؟ ما جبتهاش في الاول ليه قبل احكام الطلاق ولا احكام القبر لان آخر حكم الواحد من البشر مستعد انه يسمع ويطيع لله فيه هو احكام المال. آخر - [00:13:40](#)

حاجة بتخرج من قلبك حب المال. عشان كده ربنا جابها في آخر التربية خالص. اما نكون اتربينا على الصورة بقى تيجي احكام المال في الآخر ده يدل على ان حب المال متأصل في قلب الانسان قد ايه؟ طب ليه قصة داود وتلوت اللي بتتكلم عن الجهاد جت بعدها آيات الانفاق؟ لان لا يمكن جهاد بدون انفاق - [00:14:00](#)

التهاب عايز مال عشان كده كثيرا ما كان الله سبحانه وتعالى يقول ان احنا نجاهد باموالنا وانفسنا. بالمال قبل النفس اه امال اللي بيحاربوا اليهود بيحاربوا الامريكان وبيحاربوا الناس دي هتجيب فلوس منين؟ ما هو الرجالة اهم هناك بس هم عايزين فلوس. يبقى اذا الانفاق بيبجي بعد الجهاد لارتباط الاثنين مع بعض - [00:14:20](#)

بعد ما قلنا الخمس اشواط دول المستشرقين بقى مش عاجبهم الكلام ده. مش عاجبكم الكلام ده ليه؟ مش عاجبهم الكلام ده. اعداء هذا الدين مش عاجبهم الكلام مش عاجبهم كلام ربنا سبحانه وتعالى ليه؟ يقول لك اول حاجة ايه الترابط اللي ما بين الكلام ده؟ ده انا ادخل في اية صوم اطلع منها على اية رشوة الاقي نفسي دخلت في جهاد اطلع - [00:14:40](#)

نفسى بحج. اطلع من الحج الاقي نفسي في الخمر والمشط. هو ايه الكلام اللي ما لوش علاقة بيا؟ يا جماعة ده هذا الكلام فيه بينه وبين بعضه ترابط عظيم طيب لو تلاحظ واحنا بنقول الاصوات ان الاحكام وسطها ربنا بيحجب الايه؟ ربنا بيحجب احكام الايه -

[00:15:00](#)

طب ليه يا رب بتجيب العبادات وسط الاحكام؟ اول حاجة عشان ربنا سبحانه وتعالى يعرفنا العبادات هي الزاد الايمان اللي احنا فيه بنستعين به على تطبيق الاحكام. ازاى؟ ما هو انا الوقتي لو جيت اقول لك مسلا صلي وانت ما بتصليش. انا مش قادر اصلي. طب كلمتك كلمتين عن الجنة والنار. ها؟ هيحصل ايه - [00:15:20](#)

المقهى يا رب تقوم قايم مصلي. يبقى القضية يا جماعة ان احنا قلوبنا لو بقت قلوب خصبة اي بذرة امر ونهي هتترمي فيها هتنبت منها نبتة الامثال. القضية يا جماعة قضية قلوب قلبك. قلبي وقلبك. القضية ان لو قلوبنا كويسة هنقدر ننفذ اوامر ربنا - [00:15:40](#)

الوامر اللي انت مش قادر تنفذها لغاية دلوقتي والمعاصي اللي انت لغاية دلوقتي بتقع فيها سببها الاساسي ان قلبك لسه ما هوش كويس. طب اصلح قلبي ازاى عبادات يبقى دي اول رسالة. الرسالة الثانية ان ربنا بيقول لك هو ده الدين. الدين دين شمولي شمولية الاسلام. الدين ما فيش فرق بين الاحكام - [00:16:00](#)

والعبادات والاخلاق والمعاملات هو ده دين ربنا سبحانه وتعالى. يبقى احنا زي ما كنا بنشرح في اول سورة المؤمنون كده تلاقي ربنا

بيكلمك على العبادات بعد كده الاخلاق لفروجهم حافظون. بعد كده المعاملات لامانتهم وعهدهم راعون. دين ربنا بيقول لك ده واحدة واحدة. ما ينفعش ان احنا نفرق - [00:16:20](#)

هو الدين الوحيد اللي موجود على وجه الارض دلوقتي اللي بيعتبر كل ده واحدة واحدة. اللي بيعتبر ما فيش فرق ما بين السياسة وما بين الواقع. ما فيش فرق ما بينكم والمسجد وبره المسجد. الدين كله واحد. ما فيش حاجة اسمها تبقى جوة الجامع شيخ. وبرة الجامع شيخ منزر. ما ينفعش الكلام ده. انت لازم تبقى في الاثنين راجل مستقيم على امر الله - [00:16:40](#)
ما فيش حاجة اسمها انا قلبي هنا ابيض قلب خساية وآ بس انا والله ما بصليش كتير ولا بعبد ربنا كتير. الكلام ده كلام فارغ في وجه في نظر الاسلام - [00:17:00](#)

او في رؤية الاسلام او في حكم الاسلام. يبقى تاني حاجة شمولية الدين. ان الدين دين شمولية. عشان كده ربنا بيقول في سورة البقرة يا ايها الذين امنوا ادخلوا في السلم ايه - [00:17:10](#)

كافة ادخل في الاسلام كله. ما تجيبليش حكم من الاسلام تطبقه وتسبب حكم تاني. ما تجيبليش حاجة سهلة على نفسك او محبة لنفسك تتبعها سيب لا ادخل في الاسلام كله عبادات عقائد معاملات اخلاق سلوكيات احكام مالية واقع دعوة الى الله - [00:17:20](#)
تضحية بس هو الدين كله. يبقى اذا وده برضه من قول الله سبحانه وتعالى سورة البقرة صبغة الله ومن احسن من الله صبغة. ربنا شبه الدين بالصبغة اللي لما بتنزل على السوب بتصبغه كله يبقى لما الدين بينزل عليك بيصبغ كل حاجة فيك حتى نومك. اللي يشوفك وانت نايم يعرف انك مسلم. الاسلام هو - [00:17:40](#)

الوحيد اللي يشوف تابع من اتباعه الملتزمين به وهو في الخلاء يعرف انه مسلم. وهو نايم يعرف انه مسلم انه ما سابش حاجة ما شرعش فيها. شمولية الاسلام. الحاجة الثالثة يا جماعة ودي من الحاجات الجميلة جدا. الحاجات الرائعة ان كل عبادة لو - [00:18:00](#)
تركز في الاحكام اللي جت معها هتنبهر فعلا بالقرآن. ازاى؟ عبادة الصوم. ايه الاحكام اللي جت قبلها؟ احكام الدم المال احكام القصاص واحكام الايه؟ الوصية في الورث. والحكم اللي جه بعد حكم الرشوة. كأن ربنا بيقول لك ايه؟ انت اما بتصوم بتصوم عن ايه - [00:18:20](#)

عما احل الله طب وهو فيه انسان صام عن ما احل الله يقوم يمد ايده لما حرم الله سواء على دم اخوه اللي سلام عليكم او على مال الوارث اللي هو حق الله فيه او على مالك وانت رايح في مصلحة حكومية يقول لك الاول هات خمسة جنيه وانا ادراك المصلحة يبقى الصمت - [00:18:40](#)

تربية لنا ان احنا اذا كنا ما مدناش ايدنا على الحلال من باب اولى مش هنمد ايدنا على الحرام. يبقى الحكم متوافق مع العبادة طيب الحج دي مع الجهاد مع القتال. ايه العلاقة بين الحج والقتال؟ يا جماعة ده اوثق علاقة. اوثق علاقة. ثم خذوا بالكم ان عبادة الصوم جت قبل - [00:19:00](#)

الصوت بتاع الحج والقتال. هو فيه علاقة بين الصوم والقتال؟ فيه علاقة؟ هل تعلموا ان السنة اللي فرض فيها رمضان؟ السنة اللي فاتت شهر رمضان هي السنة اللي حصل فيها غزوة بدر يعني ربنا كأنه ادانا رمضان عشان اعد على الايه؟ اعد على القتال. طب في علاقة ما بين الحج والقتال - [00:19:20](#)

هو الحج اصلا تربية على القضاة. ان شاء الله لما نيجي في صورة الحج بازن الله سبحانه وتعالى نتكلم في الموضوع. الحج اصلا تربية وقتلة. هو ايه الحج؟ الحج فيه منطقة كده على وجه الارض - [00:19:40](#)

اللي هي في مكة اللي هي الكعبة والصفاء والمروة. فيها اعظم حرمان لله على وجه الارض. فربنا قال لك سيب بلدك وسافر المكان ده اعمل ايه يا رب؟ تقعد تطوف هنا وتسعى هنا وتقف هنا وانت قاعد تذكر ربنا تذكر ربنا تذكر ربنا. ليه يا رب - [00:19:50](#)

وانت قاعد تذكر ربنا ايمانك بيرتفع في وسط المكان اللي فيه حرمان الله يقوم يدخل في قلبك تعظيم حرمان الله اعبدت الحج يا جماعة اهم ثمرة فيها ايه؟ انك ترجع وعندك تعظيم حرمان الله. عشان كده اللي بيروح يعمل عمرة ولا بيروح يحج ويحي هنا يشوف بنت في الشارع - [00:20:10](#)

بنت متبرجة. لو دموعه ما نزلتش من عينيه. من كتر غيرته على انتهاك حرمت الله يبقى ما حشش صح. يبقى ما فهمش اصلا هو راح يعمل ايه انت رايح تعصب حرمت الله. ذلك هو من يعظم شعائر الله ويعظم حرمت الله. رايح تتدرب على تعظيم حرمت الله. مال الكلام ده بالقتال؟ هو - [00:20:30](#)

في عشرين الف فتاة اغتصبت في البوسنة. هم دول مش حرمت الله. في بيوت اتحرمت في فلسطين هي دي مش حرمت الله! المسلمين بيتحاربوا في العراق هي دي مش حرمت الله يقوم لما تتضرب انك تغير على حرمت الله اول ما تسمع ان في اي مكان في الارض انتهكت فيه حرمت الله تقول ده انا رقبتي - [00:20:50](#)

انت بتطير بس حرمت الله ما تنتهكش. يبقى عشان كده الحج تربية على القتال. عشان كده اللي عايز يربي نفسه على الجهاد يروح يحج الاول خمس ست مرات كده يعتمد خمس ست مرات يتربى على الجهاد فعلا بحق وحقيق. طيب بعد كده الشوط اللي بعد كده الصلاة جاية والسائيات الطلاق ووسط ايات - [00:21:10](#)

اليتامى ووسط ايات الزواج من مشركة والزواج من مشرك ايه يا جماعة ايه فكرة ان الصلاة جاية وسط الايادي؟ هو اول حاجة والحكمة ان احنا نفهم ان العبادة يعني لما تلاقي ربنا بيتكلم عن الطلاق وان الطلاق مرتان واحكام الطلاق واحكام اللي يعقد -

[00:21:30](#)

ولا واحدة يكتب كتابه عليها ويديها مقر وبعد كده يطلقها. ياخذ في قد ايه من المهر والرجلات دي؟ تلاقيه فجأة لرسال انقطع. وفجأة الارسال بيقول لك حافظوا على الصلاة والصلاة الوسطى وقوموا لله قانتين. فان خفتهم فرجالا او ركباناً حتى لو خفت. تصلي وانت واقف او تصلي وانت راكب على الدابة بتاعتك - [00:21:50](#)

لا ما تسيبش الصلاة ابدًا. فاذا امنتم فاذكروا الله بقى افتحوا بقى بذكر الله وصلاة كما علمكم ما لم تكونوا تعلمون. وينتهي الارسال ويرجع الارسال ثاني لايات الطلاق. طب ليه - [00:22:10](#)

كان ربنا بيقول لك انهم حاجة واحدة. وربنا بيقول لك ان سبب الزلم اللي في المحاكم الشرعية اللي في الاثنين مليون قضية طلاق. انا متأكد احنا لو عملنا احصائية في الاثنين مليون قضية طلاق هنلاقي تسعين في المية منهم ما بيصلوش اصلا. لان الانسان اللي بيصلي يلاقي انسان بيخاف من ربنا. انما تلاقي البنت رافعة عليها عشرين - [00:22:20](#)

قضية ليه يا بنتي لازم اطلعه ما حيلتوش ولا مليم. والراجل ما مش راضي ان هو يطلقها. ليه يا ابني؟ لازم اخليها زي البيت الوقتي. لا هي متجوزة ولا هي مطلقة. ده هو ده الكلام - [00:22:40](#)

مسال بالزبط يا جماعة طب ليه الزلم ده ما فيش تربية امنية اصلا؟ ما فيش دين. ما فيش خوف من ربنا. ما فيش تقوى اللي بتيجي من خلال العبادات. ما فيش عبادة - [00:22:50](#)

فهذا هو السبب في الظلم الكاهن. طب ايه العلاقة بين الصلاة وبين هذه الاحكام؟ الصلاة يا جماعة صلاة. صلاة بين العبد وربيه صح؟ وكذلك صلة بين عبده لعبده احنا دايمًا نقول الصلاة صلة بين العبد وبين الله. وبنسى ان احنا نقول ان الصلاة صلة بين العبد والعبد. ما انا لما باجي اصلي هنا او حتى بصلي في بيتي بقول في التحيات ايه - [00:23:00](#)

السلام علينا وعلى عباد الله الصالحين. الله! طب لما باقول السلام علينا وعلى عباد الله الصالحين. هاحسد اخويا اللي جنبني! هاشتم اخويا اللي بيصلي جنبني هفتري على اخويا اللي بيصلي جنبني هظلم اخويا اللي بيصلي جنبني مش هيحصل. يبقى اذا الصلاة صلة بين العبد وبين العبد كمان - [00:23:20](#)

ربنا جاب مع الصلاة الاحكام اللي فيها فراق. الطلاق فيه فراق ولا فيه صلة؟ فراق! طيب اليتيم اللي ما فيش حد بيعمل له حاجة ولا حد يبطبط علي هو بياكله ليه؟ اصل هو هو الناس يعني انت ممكن مثلاً واحد يبطبط عليك ويحترمك ليه؟ اصل هو عارف ان ابوك مركزه كبير فعائز يراضي ابوك. انما اللي ما لوش اب - [00:23:40](#)

ممكن تلاقي ما فيش حد بيعمل له حاجة. يبقى ده فراق. احنا كده بنستأصل هذا الانسان من المجتمع. ازاي؟ طيب لما مسلم يسبب المسلمة ويروح يتجوز آآ واحدة مشركة. طب ما ده كده احنا بننسق المجتمع. ما ده فيه فراق. طب الخمر والميسر؟ ما هو فيه تنسيق

قواصر الاسرة. وفيه كل دي احكام فيها فراق - 00:24:00

الصلاة العبادية اللي بتوصل المجتمع كله ببعضه من خلال رابطة ايمانية. فبتيجي وسط الاحكام اللي فيها فراق وفيها انتزاع عشان تؤكد هذا المعنى ان احنا لو العبادية دي عندنا كويسة هيؤدي هذا الى ايه؟ هيؤدي هذا الى ان احنا فعلا هنبقى مجتمع متماسك متراكم

- 00:24:20

يبقى ازا العبادات يا جماعة في علاقة وسيقة جدا بينها وبين الاحكام اه يعني الكلام ده مش كلام كده؟ لا مش كلام كده يا جماعة. ده

كلام ربنا. ده كل كلمة معموله بحرف. طيب يا عم الحاج - 00:24:40

يلا يا عم الشيخ ولا يا عم؟ خلاص يا عم عايز تقول ان في ترابط في ترابط. بس انا عايز اقول ايه الترتيب يعني؟ الكلام كده داخل

في بعض. ايه الترتيب؟ ادونا ادونا حكمة للترتيب - 00:24:50

لو تلاحظوا يا جماعة ان الترتيب هنا له حكمة عظيمة جدا. ربنا جاب احكام المال والربا والمدينة في الآخر ولا في الاول؟ في الآخر واحكام الانفاق كل دي احكام المال احكام الاقتصاد في الآخر. والاحكام اللي جت في الاول احكام ايه؟ احكام الرشوة. احكام الطلاق.

احكام المال والدم - 00:25:00

اللي هي التشريعات الاجتماعية اللي هي مشاكل المجتمع الطاردة مشكلة بسيطة. الطرد ده كان ممكن يخلي قبيلتين يداروا بعض

الميراث ده ممكن يخلي الاخوات ما حدش منهم يقول الثاني سلام عليكم طول العمر. انا ابويا ظلمني واداك وما ادانيش يقطع

الواصل. يبقى اذا التشريعات اللي جت في الاول - 00:25:20

هي التشريعات الاجتماعية الاصلاح الاجتماعي. وبعد كده التشريعات الاقتصادية الاصلاح الاقتصادي. عشان لما نسمع الوقتي في الجرايد ان قوة تقاس بالاقتصاد ده كلام فارغ. اما نسمع في الضرايب ان قوة الدولة عن طريق ان احنا نمسل الاقتصاد ده كلام فارغ.

اول اصلاح بعد - 00:25:40

الاصلاح الديني والايماي الاصلاح الاجتماعي. المشاكل بتاعة المطلقات الاتنين مليون مطلقة. ده دول اتنين مليون قبله موقوتة في

المجتمع دول. هي هتعمل ايه دي اذا كان اللي مش مطلقة ما تتجوزش امال دي هتعمل فيها ايه؟ امال مطلقة بقى هتتصرف ازا

على يعني زي ما بيقولوا كده؟ ازا يا جماعة؟ يبقى اذا - 00:26:00

المشاكل الاجتماعية هي الاول اللي لازم تتعالج. ده فكر القرآن او حكمة القرآن. طيب ترتيب العبادات هتلاقي العبادات بتطلع من الحاجة الابسط حاجة الاصعب تحويل القبلة الصلاة. الاصعب من الصلاة الصوم. تلاقي الصوم جه بعد الصلاة. طب الاصعب من الصوم

الحج؟ تلاقي الحج جه بعد الايه؟ جه بعد الصوم - 00:26:20

خدوا بالكم بقى من الحجة دي يا جماعة. في حرب سبعة وستين حرب سبعة وستين. يعني دلوقتي بنحارب اليهود يبقى لازم ان احنا

نعبأ كل طاقات الدولة من اجل حرب اليهود صح؟ فلازم نرفع شعار نقود به الناس من اجل تعبئة الطاقات لحرب - 00:26:40

اليهود فرفعوا شعار لا صوت يعلو فوق صوت المعركة. خلاص؟ لا صوت يعلو فوق صوت المعركة. والحمد لله التزمنا برضو ما فيش فائدة. طيب بعد كده كان المفروض حرب الاستنزاف بقى ست سنين. لو رفعنا شعار لا صوت يعلو فوق صوت المعركة ست سنين. ان

شاء الله الناس هتموت مش هتلاقي تاكل. يبقى - 00:27:00

شعار ثاني يناسب المرحلة بقى. الشعار الثاني كان ايه؟ يد تبدي ويد تحمل الايه؟ تحمل السلاح. اهو ده الفرق ما بين سورة البقرة وسورة ال عمران. سورة البقرة تلاقي ايات العبادات وايات الاحكام بناء المجتمع. الدولة بتتبني. احنا الوقتي يعني سنة اتنين هجرية -

00:27:20

احنا دلوقتي رجعنا لغاية احنا دلوقتي عايشين في سنتين جنيه هنا اهو. والاحكام دي بتنزل سنة اتنين هجرية. بعد ستاشر او

سبعستاشر شهر من الهجرة للمدينة. فاحنا لسه الدولة ولكن هو دولة الاسلام دي كانت بتقوم في طريق سالك؟ ده كان المنافقين

بيهدموا فيها من جوة. والمشركين كل شوية جايبين جيش - 00:27:40

جايبين يحاربوها من برة. واليهود كل شوية يتحالفوا عشان يفتحوا سهر من صغور المدينة. يعني كنا يا جماعة بنحاول ان الدولة دي

تقوم في وسط معوقاتها عشان كده تلاقي ايات الصوم والعبادة والاحكام بعد كده ايات قتال وقاتلوا الذين يقاتلونكم ولا تعتدوا ان الله - 00:28:00

الشهر الحرام بالشهر الحرام والحرمت القصاص. نلاقي في النص اياتنا لوط وجالوت. طب احنا بنبني الدولة احنا ما لنا بالجهاد دلوقتي. نستشق طاقتنا في الجهاز ليه؟ احنا مجبرين. ليه؟ لان احنا بنتحارب. يبقى لازم يد تبني ويد تحمل السلاح. الاتنين تلاقيهم ماشيين جنب بعض - 00:28:20

عشان كده لما تلاقي الوسطيات الاحكام والعبادات اعرف ان السر ان كان الوقت اللي بتقوم فيه الدولة كان هو نفس الوقت اللي افع فيه عن هدف عن عدم هدم هذا البناء اللي بايه؟ اللي بيقوم يد تبني ويد تحمل السلاح. لما هنتكلم في سورة ال عمران بكرة بازن الله سبحانه وتعالى هنتكلم عن - 00:28:40

حاجة تانية بقى ده لعب رامدة العقوبة في خطر. خمسين قناة قاعدة تشتم في الاسلام. وامريكا قاعدة تنزل لنا الفرقان الباطل بتاعها. والي اليهود والنصارى اربعة وعشرين ساعة شبهاة يعني مش بس بنتضرب بالشبهاة وبنتضرب بالصواريخ هي دي المرحلة بتاعة ال عمران شبهاة رهيبة من - 00:29:00

واليهود وحرب مهولة من المشركين في احد فاصبح المجال الدين نفسه في خطر بقى العقيدة في خطر ما عدش في مجال للبناء بقى دلوقتي البناء يجب ان يتوقف لغاية ما نقدر نقول هذه المرحلة اللي حصلت في ال عمران ثم يستمر ويكمل البناء وتستمر المسيرة مرة اخرى في سورة ايه؟ في سورة ايه - 00:29:20

النساء عشان كده سورة النساء دي لو انت جبت سورة البقرة وشلت ال عمران وحطيتهم ورا بعض هتحمس اصلا ان الاتنين صورة واحدة حتى سورة البقرة اخرها احكام المال اللي هي احكام المداينة والربا. وسورة النساء اولها احكام المواريث احكام المال. الاتنين نفس الموضوع - 00:29:40

ونفس الفكرة ونفس البناء ولكن اضطرنا ان احنا نقف في النص ليه؟ لان الاعداء جايين هاجمين علينا من كل ناحية بجميع وسائل الحرب الممكنة فيجب ان توقف بيقى سورة البقرة يد تبني ويد تحمل السلاح. يعني انت عايز الناس تقول ان في ترتيب اه حتى لو في ترتيب ايه الرابط - 00:30:00

يعني لا الرابط يعني ايه الرابط؟ يعني الاحكام دي الرابط ما بينها ايه؟ فيه رابط ما بينها؟ طب اي دستور بتاع اي دولة ما بتطلبوش الرابط ما بينها؟ انتم بقى بتقولوا الكلام ده كلام ربنا - 00:30:20

الرابط ده في رابط عظيم جدا يا جماعة بين الاحكام دي كلها. عارفين هو ايه؟ احكام الطلاق. تخيلوا قبل احكام الطلاق قد ايه الظلم اللي كان بيوقع على المرأة بسبب الراجل سبب. اخبطي راسك في الحيطه بقى. طب خايف من ايه؟ طب افرض ما فيش حد اتجوزني تاني. لا كان في حاجة اسمها نفقة ولا حاجة اسمها - 00:30:30

قطعة ولا حاجة ما كنش الكلام ده كله موجود خالص ما فيش حاجة اسمها حقوق للمرأة لما تطلق. اذا كان في زلم بين للمرأة بيقى احكام الطلاق جت من اجل العدل مع المرأة - 00:30:50

مع هذا الكائن الضعيف في المجتمع. طب احكام الربا تخيلوا قبل الاسلام. انت راجل فقير ومحتاج خلاص ماشي. اسلفك عشرة جنيهه تديهم لي خمسين جنيهه. طب اجيبهم منين؟ ما ليش - 00:31:00

والا ما تردش. فكان الربا فيه ظلم للفقير. ظلم لهذا الضعيف المحتاج. ظلم للفقير. فجت احكام الربا من اجل العدل مع الفقير. بيقى الطلاق من اجل العدل مع المرأة. الربا من اجل العدل مع الفقير. طيب احكام احكام الدم والمال القصاص. يا جماعة ده كان التار لما بيقوم ما بين بلدين كده - 00:31:10

الدنيا بتولع. اضطر لما يكون بيقوم بالبلدين. الدنيا بتولع ليه؟ ممكن القبيلة الضعيفة تبات تماما. بسبب ان القبيلة التانية بتنتقم لمقتل واحد بس فكان فيه ظلم للضعفاء. طب انا ذنبي ايه اتقتل ليه؟ طب ده اللي قتل انا اتقتل انا ليه؟ ظلم للضعيف اللي مش قادر يعمل حاجة. خذوا بالكم. طب احكام - 00:31:30

اه مكان الورس بيتكتب للاولاد والبنات بقى يخطبوا راسهم في الحيطه ليه؟ ما لناش دعوة احنا نخط اه ملنا في بيت خيرنا ليه؟

البنت دي بكرة هتتجوز راجل غريب اودي بنت - 00:31:50

بيت راجل غريب ده الكلام اللي بيتقال انما انت بيتي لابن اللي شايل اسمي او وادي فلوسي لابويا وامي ليه؟ ابويا يا امي خلاص كبر

وعجزوا ادي فلوسي لولادي اللي شايلين اسم من بعدي - 00:32:00

فكان في ظلم للضعيف وظلم للمرأة من خلال الميراث. يعني اذا طب والرشوة؟ ما انت رايح المصلحة الحكومية غلبان. والراجل في

المرور يقول لك يفوتوا علينا بكرة. طب مش عارف ايه يا عم الورقة اللي انت بتقوله ده اصلا مش عارف لازم تعمل ايه وتروح فين

وتسافر امريكا وترجع منها على العراق وتطلع عشان الورقة دي تخلص. طب تنطق - 00:32:10

طلع له خمسة جنيه الموضوع خلص في خمس دقائق. يبقى في ظلم للمحتاج اللي هو ما هوش عارف يعمل ايه؟ انت صاحب

مصلحة وهو بايداه مصلحتك بازن الله سبحانه وتعالى - 00:32:30

يبقى احكام سورة البقرة رابط بينها ايه بقى؟ انا عايز واحد يقول ايه؟ العدل يبقى الاسلام جاء من اجل اقرار دولة الايه؟ دولة العدل

فلما نبقي عايشين في ايام الظلم احنا اللي ظلمة قبل ما نتهم اي حد احنا اللي ظلمة يا جماعة. احنا نفسنا مش مطبقين هذه الاحكام.

شوفوا الوقتي يعني احنا قلنا امبارح ان - 00:32:40

سورة البقرة لم تحتاج الواحد ما صاحبهاش ما طبقهاش. سورة البقرة هتتحج لموظف مرتشي؟ سورة البقرة هتتحج. واحد حاطط

فلوسه في بنته عائشة على ويقول لك ونعمل ايه؟ وانت تعمل ايه؟ خلاص بقى. ما ما تجيش يوم القيامة تقول له انا اعمل ايه؟ سورة

البقرة تحج الواحد معلق مراته بقى لها ثلاث سنين. يقول لك اخليها زي - 00:33:00

سورة البقرة مش ممكن يا جماعة. سورة البقرة تحج لصاحبها. يبقى اذا الاسلام جاء من اجر واقرار دولة العدل. عشان كده ابن تيمية

بيقول ان الله ان الله يقيم دولة العدل ولو كانت كافرة. زي امريكا. ولا يقيموا - 00:33:20

دولة الظلم ولو كانت مسلمة. يبقى الاسلام جاء من اجل اقرار دولة العدل. يبقى الرابط ما بين الاحكام دي ايه؟ الرابط العدل. ان احنا

نبقى دولة الشبهة اللي بعد كده بيقولوها والشبهة الاخيرة لهم في الكلام يقول لك ايه؟ يقول لك طب ماشي. بس في حاجات غريبة

بتيجي في وسط الاماكن - 00:33:40

ميدو ايه الحاجات الغريبة اللي بتيجي وسط الامال الغربية؟ قصدك ايه؟ يعني تلاقي مسلا الكلام ماشي بتتكلم عن رمضان وعن

الصيام. فجأة كده لايقة مش داخله اية يعني يعني واذا سألك عبادي عني فاني قريب اجيب دعوة الداعي اية عن الدعاء وبعد اية

الدعاء نرجع ثاني للصيام طب احنا كنا بتتكلم - 00:34:00

عن الصيام ايه اللي دخلنا؟ او تلاقي اية مسلا بتتكلم عن القتال؟ يعني زي قول الله سبحانه وتعالى ام حسبتم ان تدخلوا الجنة؟ ولما

يأتيكم مثل الذين خلوا من قبلكم بعدها على طول تلاقي الآيات بتقول لك يسألونك ماذا ينفقون قل ما انفقتم من خير فللوالدين

والاقربين. وبعد كده تلاقي كتب عليكم القتال وهو كره لكم - 00:34:20

طب احنا بتتكلم عن القتال ايه اللي يجيب اية الانفاق للوالدين والاقربين في النص؟ طب احنا كنا بتتكلم عن قتال المشركين في

آيات تحويل القبلة في قول الله سبحانه وتعالى - 00:34:40

آآ وبشر الصابرين. الذين اذا اصابتهم مصيبة قالوا انا لله وانا اليه راجعون. اولئك عليهم صلوات من ربهم ورحمة. واولئك هم

المهتدون. العبادة ان الصفا والمروة من شعائر الله. فمن حج البيت او اعتمر فلا جناح عليك ان يطوف بهم. ونقوم راكعين ثاني -

00:34:50

دعوة المشركين. طب كنت شيل الاية دي حطها مع آيات الحج. ما فيش ركن الحج اصلا. كنت شايلها احطها مع آيات الحج. انما جبت

لي اية من وسط آيات الحج - 00:35:10

وحطتها لي في مكان ما اناش فاهم اي علاقة. ما بينها وبين اللي قبلها واللي بعدها. ايه الحكمة؟ ايه الحكمة يا جماعة؟ يا جماعة

القرآن من ضمن اعجازه انه احيانا يجيب لك اية ورا اية. فتقوم تقف كده تقول يا رب ايه علاقة الاية دي بالاية دي؟ لما تندبر توصل

لمعاني جميلة - 00:35:20

الى لدرجة انك تفهم ان القرآن يقول معاني ما نطقش فيها لفظ واحد. يعني القرآن ما يعني لما كنا في في درس فرسان رمضان. اتكلمنا في قول الله سبحانه وتعالى في سورة يونس وما تكونوا في شأن وما تتلوا منه من قرآن ولا تعملون من - 00:35:40

بعمل الا كنا عليكم شهودا. اذ تفيضون فيه. انتم متراقبين. في كاميرا خفية مراقباتكم اربعة وعشرين ساعة. يبقى خد بالك انك مربى. الاية اللي بعدها الا ان اولياء الله لا خوف عليهم. ولا هم يحزنون. يعني ايه؟ كأن ربنا يقول لك ان اولياء الله هم اهل - 00:36:00 مراقبة. يبقى دي تيجي بعد ده عشان ربنا يعرفك. ان طريق الولاية انك تبقى من اولياء الله. انك تبقى من اهل مراقبة الله. اهو ده اللي انا قصدي عليه. ان - 00:36:20

حيانا القرآن بيوجب حاجات زي دي عشان يوصل لك معاني لم ينطق فيها لفظ واحد. طيب اللي احنا بنقوله بقى شف معي اسمع معي الاية قال تعالى كما ارسلنا فيكم رسولا منكم يتلو عليكم اياتنا ويزكيكم يبقى القرآن - 00:36:30 عليكم اياتنا. بعد كده التزكية. عايز قلبك ينصف. عايز تتغسل من جوة القرآن هو الطريق. القرآن جه قبل التزكية لان القرآن هو طريق التزكية فيكم ويعلمكم الكتاب والحكمة. يا رب انت جبت يزكيكم قبل يعلمكم؟ اه. لان اصلاح القلب قبل طلب العلم. اصلاح القلب قبل اي شئ على - 00:36:50

الاطلاق. اصلاح القلب اولاً. التزكية اولاً. فربنا بيقول لك صلح قلبك. نصف قلبك. ويزكيكم ويعلمكم الكتاب والحكمة. ويعلمكم ما لم تكونوا تعلمون فاذكروني اذكركم. عبادة الذكر. واشكروا لي ولا تكفرون. واستعينوا بالصبر والصلاة. يا ايها الذين امنوا استعينوا بالصبر - 00:37:10

الصلاة يبقى الذكر والصلاة يبقى دي العبادات اهو يبقى ربنا بيقول لك نصف نفسك بايه؟ بالقرآن وبالعبادات. طيب بعد ما نصف نفسك بالقرآن وبالعبادات خدوا بالكم يا جماعة في سؤال كده انا عايز اسأله لكم. فاذكروني اذكركم. واشكروا لي ولا تكفرون. يا ايها الذين امنوا استعينوا بالصبر والصلاة - 00:37:30

ما بيفكر كوش بدعاء من ادعية النبي؟ اللهم اعني على ذكرك. اذكروني اذكركم. وشكرك واشكروا اللواء تكفرون وحسن عبادتك استعينوا بالصبر ايه؟ والصلاة يعني حتى ادعية النبي كانت جاية من القرآن. شافين يا جماعة كان القرآن بيمتزج بقلوبهم لدرجة ايه - 00:37:50

انك انت لو جبت اي كلمة من كلمات النبي هتلاقي اصل لها في القرآن. ناس كانت عايشة في القرآن. الصحابة كذلك طبعا وراء النبي عليه الصلاة والسلام. ناس عايشة بالقرآن. ناس - 00:38:10

كلامها قرآن من غير ما تحس ومن غير ما تعرف. من كتر معلومة شربة القرآن. ومن كتر معلومة شربة كلام ربنا. ومن كتر ما عاشه مع كلام ربنا سبحانه وتعالى. فييجي - 00:38:20

في بعض العبادات بقى ولا تقولوا لمن يقتل في سبيل الله اموات بل احياء ولكن لا تشعرون بعد العبادات يجي التكليف بقى ما احنا مش هنفضل نعبد لغاية يوم القيامة - 00:38:30

هيجي التكليف انك لازم تشتغل في الدعوة. تشتغل في القتال. طب لما تشتغل في القتال لازم في خسائر. عشان كده ربنا بيقول بعدها ولنبلونكم بشيء من خوف والجوع ونقص من الثمرات ونقص من الاموال والانسف والثمرات وبشر الصابرين - 00:38:40

الذين اذا اصابتهم مصيبة لو بسبب دينك ابتليت في اي حاجة من دينك لو بسبب تضحياتك من اجل دينك او شغلك من اجل قيمة او دعوتك من اجل دينك. ابتليت في اي حاجة في دينك تقول انا لله وانا اليه راجعون. يعني ايه؟ انا لله؟ يعني انا بتاعك - 00:39:00

يا رب انا ملكك يا رب انا وهبت كل ليلة يا رب انا لو اتاخذ مني دراع لسة الدراع الثاني وقت مسؤولين انك تاخده خده مني ولو خدت مني دراعين - 00:39:20

رجليه تاخذهم خدهم. ولو خدت جزء من مالي لسه مالي كله ملكك برضو. وقت ما تشاء تاخده تاخده. انا بعث نفسي لك يا رب الله احنا بتوع ربنا يا جماعة. ان لله ده احنا عايزين نطلع بقى من الجزء ده. انت بتاع ربنا. اللي ربنا يشاء انه يعمله فيك يعمله. اللي ربنا يشاء انه ياخده منك ياخده - [00:39:30](#)

اللي ربنا يشاء انه يدهولك يديهولك انا لله ثمرة معرفة الله وانا اليه راجعون في الدار الآخرة على يمينك الجنة وعلى يسارك ارض يعني اهل اليمين واهل الشمال يبقى الدار الآخرة. يبقى الشعورين اللي انت ممكن تطلع فيهم لا على عليين معرفة الله - [00:39:50](#) ومعرفة الدار الآخرة اللي صبر الناس ده على اللي حصل لها معرفة الله ومعرفة الدار الآخرة. عشان كده لما نسمع في التراويح آيات جنة ونركز قوي آيات عن عظمة ربنا ركز قوي الاتنين دول لو دخلوا في قلبك ابشر انك انت ان شاء الله تبقى من الصادقين الى الله اولئك اهل الرفعة دول بقى - [00:40:10](#)

عليهم صلوات من ربهم. ده مش انت اللي بتطلب صلة الملك. ده الملك هو اللي بيوصلك. الملك هو اللي بيقربك. الملك هو اللي هيبسر لك طريق ورحمة واولئك هم الايه؟ المهتدون. ان الصفا والمروة من شعائر الله. احنا كنا بنتكلم عن قتال المشركين - [00:40:30](#) والخسائر اللي حصلت لنا من قتال المشركين والصبر اللي احنا صابرينه. ايه اللي دخلنا في ان الصفا والمروة من شعائر الله؟ طب شوف الآية اللي بعدها. الآيات اللي بعدها. الآيات اللي قبلها - [00:40:50](#)

قتال المشركين الايات اللي بعدها دعوة المشركين اللي منها قول الله سبحانه وتعالى ومن الناس من يتخذ من دون الله امدادا يحبونهم كحب الله. والذين امنوا اشد حبا لله. حب الله سبحانه وتعالى. حب الله. اللي من ثماره - [00:41:00](#) لما الرسول عليه الصلاة والسلام يقول لك ورجل قلبه معلق بالمساجد. طب اشمعنى المساجد؟ من احد اللفات الجميلة قوي اللي الواحد سمعها ان يقول لك انك انت لما بتقابل اللي انت بتحبه في مكان المكان ده بيبقى محب لقلبك قوي طول عمرك. وبتفضل تفتكر المكان ده وتحبه. فالمكان اللي انت بتقابل - [00:41:20](#)

في مولاك الملك وهو المسجد اهو. عشان كده قلبك بيتعلق به. من كتر حبك لله بتحب المكان اللي انت بتقابل فيه الله سبحانه وتعالى. يبقى ان الصفا والمروة جت قبلها ايات قتال المشركين وبعدها ايات دعوة المشركين. فهمتوا يا جماعة الاية دي بقى حكمها ايه ولا لسه؟ ان الصفا والمروة - [00:41:40](#)

ومن شعائر الله فمن حج البيت او اعتمر فلا جناح عليه ان يطوف بهما. يا رب احنا عايزين نروح نحج او نعتمر. طب الوقتي احنا لازم نسعى ما بين الصفا والمروة - [00:42:00](#)

طب الواد الصفا والمروة عليهم اصنام المشركين. طب الوقتي انا لو سعيت وعليهم اصنام المشركين يبقى انا كده آآ يعني بشوف رمزي شركي وبسكت عليه ولا ايه فربنا سبحانه وتعالى ربنا سبحانه وتعالى بيقول لك ايه بقى؟ فمن حج البيت او اعتمر فلا جناح عليه ان يطوف بهما. يعني وانت بتسعى على - [00:42:10](#)

حتى لو الاصنام موجودة ما لكش دعوة. انت بتسعى لاجل الله. طب ايه اللي خلى الاية دي تيجي وسط الايات دي؟ ان ازاى اروح اسعى حواليا يميني وشمالى اصنام المشركين ونبي وبينهم الاية اللي قبلها. جهاد المشركين والاية اللي بعدها دعوة المشركين وتهديدهم - [00:42:30](#)

ولطف جهنم لو ما استجابوش في الدعوة كأن ربنا بياصل هنا مذهب او مبدأ خطير جدا يا جماعة. ان الحق حق ايا ما كان الحق ده عند مين الخير خير ايا ما كان الخير ده عند مين. الوقت الصفا والمروة سعي بينه عبادة ولا مش عبادة؟ حق ولا مش حق؟ حقه بيبقى يتعمل. بس ده المشركين بيعملوه - [00:42:50](#)

والمشركين حاطين اصلهم ما لكش دعوة. لو كل حط تركته لان اهل الباطل اللي انت بتكرههم وبتعاديهم بيعملوه يبقى ان شاء الله هتسيب ثلاث بعد بكرة ان شاء الله. ليه؟ لانك فهتمم يا جماعة المغزى من هذا الامر. انا ممكن تكون الايات صعبة شوية. ولكن المغزى فيها عميق جدا. ان الحق حق حتى لو عدى اللي انت - [00:43:10](#)

انت بتكرهه تعمله برضه. طب انا كده آآ اصل من من كرهنا في المشركين مش عايزين نعمل حاجة بيعملوها. ولا عايزين نعمل حاجة

اظلمهم عليها. لا لعبادة تعملها لله سبحانه وتعالى. وحت وسط ايات جهاد المشركين ودعوة المشركين. عشان ربنا يقول لك حتى لو بينك وبينهم دم لو عندهم حق تعمله - [00:43:30](#)

لو الحق ما حطينا عليه اصلا ما لكش دعوة بالاصنام وتنطلق انت الى تنفيذ الحق الذي امرك الله سبحانه وتعالى به. امال اية الدعاء جاية والصلاة واذا سألك عبادي عني فاني قريب اجيب دعوة الداعي اذا دعاني فليستجيبوا لي وليؤمنوا بي لعلهم يرشدون. الالية التي قبلها - [00:43:50](#)

شهر رمضان الذي انزل فيه القرآن. هدى للناس وبينات من الهدى والفرقان. فمن شهد منكم الشهر فليصمه. ومن كان مريضا او على سفر فعدة من ايام اخر احكام نهار رمضان. احكام نهار رمضان. طب الالية التي بعدها - [00:44:10](#)

احل لكم ليلة الصيام الرضى الى الرقص الى مناسككم. احل لكم ليلة الصيام الرضى الى نسائكم هن اللباس لكم وانتم لباس لهن. احكام ليل رمضان. يبقى اية الدعاء دي قبلها احكام نهار رمضان. وجه بعدها احكام ليل رمضان - [00:44:30](#)

كأن ربنا بيقول لك ان اخطر وقت لاجابة الدعاء الوقت اللي ما بين الليل والنهار اللي هو الالية؟ اللي هو الوقت اللي قبيل الفطر واللي هو لحظة الفطر زي من اجمل اوقات اجابة الدعاء وافضل اوقات اجابة الدعاء في الصلاة امتي؟ قبل ما تسلم على اليمين والشمال. اللي هو الوقت الاخراني دهو وبعد ما تسلم على طول - [00:44:50](#)

الوقت الاخراني دهو فكذلك في الصيام باشارة ان اية الدعاء جت وسط آيات الصيام مش وسط آية الحج. والوسط آيات ليه؟ كأن ربنا بيقول لك ان الصيام بالذات اوعى تصوم وما تكذبش في الدعاء. اوعى تضع فرصة الاجتهاد في الدعاء وسط الصوم بالذات. لانه العبادة الوحيدة اللي الاخلاص فيها مية في المية - [00:45:10](#)

فان شاء الله مقولة مقبولة عند الله سبحانه وتعالى. عشان كده تيجي مستحيات النهار وايات الليل كأن ربنا كمان بيرشدك ان مش بس الصيام هو احسن عبادة. في الدعاء يعني لو لك حاجة عند ربنا صم يوم نفل كده وادعي لا وكمان ما بين الليل وما بين النهار افضل وقت في الدعاء. النقطة الاخيرة في مسألة المواضع - [00:45:30](#)

قول الله سبحانه وتعالى اعوذ بالله من الشيطان الرجيم ام حسبت ان تدخلوا الجنة؟ انا عارف ان الكلام ثقيل يا جماعة انا يعني احنا بقى لنا سنة مع بعض في السلام يعني الواحد ما بيحاولش يتكلم بهذه الطريقة خالص - [00:45:50](#)

ليه؟ لان عارف ان الكلام ثقيل. فالواحد بيحاول ان يعني يعني آآ يعني نبتعد قدر المستطاع عن الكلام اللي هو فيه فوايد فكرية او وفي فوايد كتير او في استنباطات كتير عشان الوافز ياخذ مكانه. ولكن يا جماعة رمضان ده فرصة ان احنا نقول الكلام ده. لو ما اتقالش في رمضان مش هنلاقي فرصة تانية طول السنة ان احنا نقوله - [00:46:10](#)

فعايزين نركز في الكلام ده قوي. انت دلوقتي هتطلع من الكلام ده والله العظيم عندك كنوز يا جماعة. الكلام ده يعني الواحد آآ يعني بقى له كذا سنة ياخذ من بوق ده حاجة ومن الكتاب ده حاجة - [00:46:30](#)

وربنا يفتح عليك بحاجة وتقرأ في التفسير ده حاجة لغاية ما الكلام ده بيتجمع. الواحد نفسه انه يقول كلام كتير جدا جدا في هذا الجزء غير هذا الكلام. ولكن هي ساعة - [00:46:40](#)

ما احنا قلنا ساعة لسة عليها بالظبط خمس دقائق فيعني احنا ايه احنا بنحاول ان احنا نجيب القدر اللي نقدر نقوله في هذه الساعة فمش عايز حد يصدق الكلام ده - [00:46:50](#)

ربنا. الكلام ده على قد فهمك له. على قد مقامك عند الله. وعلى قد فهمك له. على قد ما تصلح انك تبقى مصلح بعد كده. انا نفس السلسلة ديت تسميها معهد اعداد الدعاة. ليه معهد اعداد الدعاء؟ لان اللي عايز يبقى داعية فعلا يفهم القرآن. لو فهمت القرآن لتقول ربنا يفتح لك كل حاجة في حياتك - [00:47:00](#)

بعد كده انما الاول افهم كلام ربنا. عشان تقدر انك انت تبقى فاهم حتى. تبقى راجل عن فهم. الواد الملتزم بتلاقيه مربى دقنه. ودي حد يكلمه برة. ما يعرفش يقول له - [00:47:20](#)

كلمتين على بعض ما هواش فاهم دينه. ما هواش فاهم ازاي يدافع عن دينه. عايزين نفهم ديننا يا جماعة عشان لا نقع في فخ التسبيب

اللي دعاء نفع فيك ولا نفع في فخ التشدد اللي البعض وقع فيه. عايزين نبقي ناس متوازنين. عايزين نبقي ناس اهل توازن. عايزين -
[00:47:30](#)

دي نبقي ناس اهل توازن ازاى نجيب التوازن ان نحلف بالقرآن؟ هيخليك انسان متوازن في العلاقة بين الدين والدنيا. هيخليك انسان متوازن في العلاقة ما بين تعلق القلب بالله والاختزال بالاسباب هيخليك انسان متوازن في العلاقة ما بين شغلك في الدراسة وجهدك في الدعوة واصلاح القلب. هيخليك انسان متوازن في كل حاجة في حياتك - [00:47:50](#)

فلازم ان احنا نجتهد في علاقتنا بالقرآن. عشان كده تلاقي ربنا سبحانه وتعالى بيقول لك ايه؟ ام حسبتم ان تدخلوا الجنة ولما يأتاكم حد بس يقول لهم يعني دقيقتين بس معلىش. ام حسبتم ان تدخلوا الجنة ولما يأتاكم مثل الذين خلوا من قبل - [00:48:10](#)

بكم مستهم البأساء والضراء وزلزلوا حتى يقول الرسول والذين امنوا مع ابو بكر وعمر متى نصر الله؟ الا ان نصر الله قريب. يبقى الاية دي بتتكلم عن القتال. الاية اللي بعدها يسألونك ماذا ينفقون؟ قل ما انفقتم من خير فللوالدين - [00:48:30](#)

واليتامى والمساكين وابن السبيل. وما تفعلوا من خير فان الله به عليم. الاية اللي بعدها كتب عليكم القتال وهو كره لكم. وعسى ان تقرأوا شيئا وهو خير لكم وعسى ان تحبوا شيئا وهو شر لكم والله يعلم وانتم لا تعلمون. ايه اللي خلى وسط ايات القتال تيجي اية -

[00:48:50](#)

واحد هيرفع ايده ويقول لي انا عارف ليه؟ لان انت قلت من شوية ان القتال ما ينفعش من غير انفاق. جزاك الله خيرا. ولكن الانفاق اللي هنا ده انفاق لابد - [00:49:10](#)

امك والفقير واللي مادد لك ايده يشحت. واليتيم والمساكين ما هواش يفوق الجهاد. ايه اللي خلى نوع الانفاق ده بييجي وسط ده؟ عشان حاجتين مهمين جدا يا جماعة الحاجة الاولانية ان بعض الملتزمين احيانا بيهتم بجانب معين في الدين. والجانب ده يتضخم

الاهتمام - [00:49:20](#)

منبه جدا عنده لغاية ما ينسى باقي الدين كله. يعني تلاقي الاخ مسلا مهتم بالدعوة عشان اهتمامه بالدعوة ضيع العبادة. وعشان اهتمامه بالدعوة ضايع وعشان التموه بالدعوة ضايع بين الوالدين. وعشان اهتمام الدعوة ضيع صلة الرحم. تلاقي من كتر اهتمامه

بالحاجة معه كل حاجة. واحد ثاني مهتم بقلبه عشان اهتمامه بقلبه طيب - [00:49:40](#)

يبقى اذا لا ده ربنا جاب لك حكم الانفاق وصنائع المعروف والجري على حوائج المحتاجين. وسط عياد قتال الاعداء عشان يقول لك اوعى وانت بتجاهد في سبيل دينك. انت داخل عن باقي امور الدين اللي هي اقل منها. في الشغل. فهتم الرسالة؟ يبقى ربنا بيقول

لك خد الدين بشمولية - [00:50:00](#)

بي طبق الدين كله اوعى جزئية من الدين تنسيك بقت جزئيات. الرسالة الثانية بقى اللي احنا عايزين نختم بها ان وقت مسلا في غزوة الاحزاب المسلمين هاجروا من مكة. جميل. والناس خرجت تستقبل الرسول والصحابة. جميل. يعني ازا المدينة فرحانة اه. هل

كل اهل المدينة - [00:50:20](#)

فيما كانوا فرحانين بمجيل الرسول؟ معظمهم ولكن يا جماعة دايمما بيبقى فيه في وسط المجتمع ناس ما هياش حاملة لقضية الدين يعني ايه؟ يعني والله الرسول جه يقول للصحابة جوه سقف واياه وفرحانين. ولكن اول ما تلاقي الاحزاب محاطانا وعيالنا مش لاقية

تاكل. وستاتنا هتسبق - [00:50:40](#)

مننا اسلام ايه بقى والمصايب اللي جت علينا دي منين؟ فيبدأ الفئات ضعيفة العقيدة تتضرر من وجود الدين في المجتمع ليه؟ لان الدين لما دولة اسلامية تقوم في بلد من بلاد الاسلام هيتعمل حصار اقتصادي وهيتعمل آآ آآ تنديد في وهيحصل مشاكل طبعا -

[00:51:00](#)

فالفئات ضعيفة العقيدة هتبدأ تطلع هنا وتقول واحنا زبنا ايه؟ انتم جيتولنا منين؟ احنا كنا عايشين مستريحين. فربنا بيقول لك اوعى اي حد في المجتمع يتضرر بسبب وجودك فيه. يعني انت بتقاتل اهو في ناس في المجتمع ما لهاش دعوة بيك. طلع من جيبيك

جزء عشان تحارب - [00:51:20](#)

اعداءك وجزء عشان تطعم به هذه الفئات عشان ما فيش حد في المجتمع يتضرر من وجوده. طب احنا دلوقتي ما بنقاتلش احنا دلوقتي بندعو الى الله يبقى الرسالة بتاعتنا اوعى حد يتضرر من شغلك في الدعوة. اوعوا يا جماعة عايزين يا جماعة نعمل في سلام. عايزين يا جماعة ندعو الى الله في سلام. عايزين يعني - 00:51:40

كلمة جميلة اوي سمعتها من احد الناس في المسجد هنا بيقول الملتزم ده المفروض يبقى زي جنبنة الفل. جنبنة اللي مزروعة فل اي حد بيعدي يقول الله ويبقى مش عايز يمشي من جنبها عايز يفضل جنبها كده احنا عايزين نبقي كده يا جماعة عايزين نبقي حاجة ريحتها حلوة قوي وطعمها حلو قوي وشكلها حلو - 00:52:00

حلو اوي اي حد يشوفنا ايوة انا عايز ابقى كده زيكم الله يخليك. هو ده الدين. هو ده الدين. الناس اللي وشها منور. الناس اللي بتعبد ربنا ومجتهدة في العبادة - 00:52:20

الناس اللي اخلاقها عالية الناس اللي بتجري في خدمات زمايلها وخدمات الاخرين. وفي نفس الوقت بتذاكر وبتجتهد في المذاكرة. وفي نفس الوقت بتخالف الدعوة والرجالة شايلة مسئولية الدين ما تضحيش ابدان هي تنصر دينها مهما كانت هتتعبد او تضحى. النموذج الجميل ده. عايزين النموذج الجميل ده. عايزين نموذج - 00:52:30

اي حد يشوف يقول الدين ده جميل اوي والالتزام ده جميل اوي. لو من وسط القعدة ده عشرين واحد طلعا كده والله العظيم يا جماعة ممكن الالتزام المنصورة في تلت اربع سنين يطغى على المنصورة كلها. لما النموذج الجميل زي الجو. مش عايزين حد يتضرر من وجودنا يا جماعة. مش عايزين حد يتأزم - 00:52:50

مش عايزين النظرات النارية للعصاة. مش عايزين كلمات السخرية والتريقة على اللي بيعصوا ربنا. مش عايزين لما نشوف واحدة متبرجة تقوم باصص لها كده وتقول لها الله يلعنك. الكلام الغريب اللي - 00:53:10

بعض الشباب بيعملوه مش عايزين حاجات يا جماعة. عايزين ندعو الى الله في سلام. ندعو الى الله واحنا بنكسب في كل خطوة بنخطوها مزيد من حب الناس مزيد من كسب الناس ومزيد من تعاطف الناس ومزيد من احترام الناس ومزيد من اعتراف الناس ان احنا فعلا - 00:53:20

ان الاسلام مش الاسلام في القرآن مقفول عليه واحنا في الواقع ناس ما لناش دعوة بدينا. فهتمم يا جماعة؟ يبقى ازا الجزء الثاني بيتكلم عن الاحكام ولانه بيتكلم على احكام فهو جزء صعب شوية. والمفاهيم الفكرية فيه كثير شوية. وانا حاولت اركز النهاردة على الفكر بصراحة. يعني ان شاء الله يعني ايه آآ يعني نحاول بعد كده - 00:53:40

ركز في المعاني الايمانية اكثر ولكن النهاردة بالزات كان في مفاهيم مهمة جدا زي مفهوم الشمولية زي مفهوم الاعجاز القرآني ومفهوم الترابط زي مفهوم العدل زي مفهوم ان احنا نبقي نفحة رحمة على المجتمع اللي احنا فيه. زي مفهوم الملتزم المثالي او النموذجي. يعني كل دي مفاهيم كنا عايزين نتكلم فيها - 00:54:00

زي مفهوم عظمة القرآن وخطورة القرآن واهمية ان احنا نقرأ القرآن كل دي مفاهيم كنا بنحاول نركز عليها في هذا الدرس اقول قولي هذا واستغفر الله ولكم اللهم فقهنا في القرآن. اللهم فقهنا في القرآن. اللهم فقهنا بالقرآن. اللهم اجعل القرآن العظيم ربيع قلوبنا - 00:54:20

ونور ابصارنا وجلء احزاننا وذهاب همومنا وغمومنا. اللهم ارزقنا حفظ القرآن. اللهم ارزقنا فهم القرآن اللهم ارزقنا العمل بالقرآن اللهم ارزقنا حب القرآن اللهم ارزقنا في هذا الشهر تلاوة القرآن - 00:54:40

اناء الليل واناء النهار على الوجه الذي يرضيك عنا. اللهم حبيننا في القرآن. اللهم اشرح صدورنا للقرآن. اهدنا بالقرآن اصلحنا بالقرآن اصلح قلوبنا بالقرآن. اهدي الشباب ببركة القرآن يا رب العالمين. اللهم - 00:55:00

ارزقنا الخشوع. اللهم ارزقنا الانكسار بين يديك. اللهم ارزقنا الافتقار اليك. برحمتك يا ارحم الراحمين. سبحانك اللهم وبحمدك اشهد ان لا اله الا انت استغفرك واتوب اليك - 00:55:20